



Mistefa Pîranî:

“Birayekî min di nav refên
pêşmergeyên PDKÎ de şehîd bûye, û ez
jî zêdetir ji 30 salî ye ku pêşmerge me,
û zêdetir ji her demekê ez bi serkevtina
gelê xwe hêvîdar im”

...» 8

Qasim Keleşî:

“Ew 59
ciwanên
Mehabadê
moralek
bilind he-
bûn”

...» 4



Bidestveanîna mafên netewî yên gelê kurd
di çarçoveya Îraneke demokratîk û federal de

AGIRÎ

Duheftînameyek Siyasî-Gîştî Ye, PDK Îranê diweşîne www.kurdistanmedia.com/kurdî www.agirimedia.org Hejmar (207) 05-06-2013 Buha (150) Tûmen

NY: Sûriyê çekên kîmyayî bi kar anîne
Paolo Pînaryo serokê komisyona lêkolînên NY di civîna
şevra mafê mirov li Jinêvê ragehand ku, lêkolîn vê
yekê îsbat dîkin ku di heyvên Nîsan û Gulana Îsal de bi
kêmî ve çar caran di herêmên derdora Heleb, Dîmeşq
û Serqibê, çekên kîmyayî li dijî xelkê hatiye bikar
anîne.

Hevdem welatên Firansa û Brîtanyayê jî eşkere kirin
ku di şerê navxwe ê Sûriyê de ji gaza “Sarîn” mifah
hatiye wergirtin.

Sûriye: Turkiye aloz e, neçne wir!

Beşar Esed: bila Erdoxan dest ji kar berde

Di qada Teqsimê de pevçûn

Di navbera erteş û PKK de şer ...» 2

Buhara Turkî ne di rê de ye



Rojnameya agirî di Malp-
erên WWW.Kurdistanmedia.com û WWW.agirimedia.org
de bixwînin. Herwiha
rexne û pêşniyarên xwe bo
Emaila agiri2003@gmail.com
ji me re bişînin



Miqestikên bê nav
ên Îmamê ...» 7



Hilbijartin û
rola jinê ...» 5

Sergotar

Îranê dîsan terorîst girtin

Şehab Xalidî

Wezareta Îtîlaata Îranê wek her car dîsan jî bona belengaz nîşandana xwe, û bona vê ku tenûra rakêşana xelkê bo ser sindûqên hîlbijartinê germ ragire, ragehand ku wan girûpek destbiser kiriye ku dixwastin hejmarek ji kesayetiyên siyasî û ayînî ên ser bi neteweyên cuda li Îranê de teror bikin, û piştê vê yekê bixin stûyê dewletê. Li gorî daxuyaniya wezareta Îtîlaatê, welatek Erebi bi Îsraîlê re ew girûp perwerde kirine û bona encamdana karê têkderane şandine wir. Her di wan çend rojan de ku li Îranê de bas basa hîlbijartinê ye, eva cara sêyemîn e ku rejîma Komara Îslamiya Îranê nûçeyên weha diweşîne.

Ew daxuyaniya wezareta Îtîlaata Îranê di demekê de ye ku cuda ji vê ku li wan çend mehên borî de çend girûpên terorîstî di welatên curbicur ên cîhanê de hatin girtin û bixwe ew tawan kişane stûyê xwe ku dezgehên Îtîlaatî ên Îranê ew şandin. Her çend rojan berî niha girûpek li Turkiyê de hate girtin ku jin bûn û navê "Miqesokên bê nav ên Îmamê zeman" li ser wan hatiye danîn û bona karê sîxorî û ajantiyê bo wir hatibûn şandin.

Bê guman mifahwergirtina ji jinan bo karê sîxoriyê gellek hêsanîr û rihettir ji bikaranîna mêran bo vî karî, lewra jî hikumeta ku xwe wek hikumeta Îslamî bi nav dike, jinan bo karên fehşa û sîxoriyê bi kar tîne.

Ji aliyek din ve di demekê de Îran basê destêwerdana welatên Erebi li nav karûbarên xwe de bi alîkariya Amerîka û Îsraîlê dike ku welatên Erebi heya niha bi dehan belge li ser destêwerdanên Îranê li herêmê de bila kirine û ji destê Îranê aciz in.

Şandina girûpan bo welatên herêmê gihîştîye astekê ku welatên kendavê li bajarê Cedê de civînek lidar xistin û tede qala belgên curbicur li ser destêwerdana Îranê li nav karûbarên xwe de kirin û ew kiryarên rejîma Îranê bi tundî şermazar kirin. Bêguman ew hemû siyasîyên têkderane nikarin heya dawiyê rejîmê li ser pê ragirin û dîrok di vî warî de baştirîn şahid e.

PDKÎ di rêûresma YNK de beşdarî kir

Kurdistanmedia: Şandekî Partiya Demokrat a Kurdistanê Îranê bi serperestiya rêzdar Mistefa Hicrî Sekreterê giştî yê PDK Îranê beşdariya 38'emîn salroja damezrandina Yeketiya Nîştimanî a Kurdistanê li bajarê Hewlêrê kir.

Di vê marasimê de rêzdar Mistefa Hicrî pîrozbahîya Deftera Siyasî a Partiya Demokrat a Kurdistanê Îranê pêşkeşî hevalên Mektaba Siyasî a Yeketiya Nîştimanî a Kurdistanê kir û hêviya serkevtin li pêxema xizmet bi armancên gelê Kurd bo xwast.

Heyeta Partiya Demokrat a Kurdistanê Îranê di vê rê û resmê de li gel çendîn kesayetiyên siyasî û nûnerên Partî û aliyên siyasî hevdiin kir.

berî beşdariya vê heyetê, heyetek



PDK bi serperestiya Teymûr Mistefayî endamê Deftera Siyasî bi hinceta pîrozbahîya 38'emîn sala avabûna YNK serdana Melbenda 14'a rêxistina Koyê kiribû, û ji aliyê heyetekî Melbendê bi serperestiya Rehberî Seîd Bîraîm endamê serkidayetiya YNK

ê û serperstê Melbendê, hatibûn pêşwazîkirin.

Di vê serdanê de rêzdar Mistefayî serbarî pîrozbahîya 38 saliya damezrandina (YNK) hêviya temendirêjî û tendurustiya Mam Celal xwastibû.

Sûriye: Turkiye aloz e, neçine wir



Ji aliyek din ve cîgirê Erdoxan ragehang ku 13 aliyên siyasî dest di wan aloziyan de hene. Li gorî gotina wan di aloziyên Stembolê de, zirarek pirr mezin gihîştîye ciyên giştî û xeyrî dewletî jî.

Herweha serbarê wan aloziyan li Roboskiya Şîrnaxê de jî di navbera PKK û hêzên dewleta Turkiyê de şer derket.

Di vê derheqê Demîrtaş ragehand ku her çend şerek sivik rû daye û kuştî tunebûn, lê ew yek dikare pêvajoya aştîyê lîzok bike. PKK jî ragehand ku heke êrîşên bi vî awayî berdewam bin ewê bi tundî bersiv bidin.

Piştî wan aloziyên ku li Stembolê derketin, Beşar Esed daxwaz li Erdoxan kir ku bila dest ji kar berde, û wezareta karê derve ya Sûriyê jî daxwaz kir ku bila tu kes neçe Turkiyê, jiber ku

ew der ne aram e.

Heta wan bas ji Buhara Turkî jî kirine ku rû li Turkiyê kiriye, lê wan gotinan dewleta Turkiyê pirr êşandiye û Erdoxan got ku em bawer nakin ku Buhara Turkî li rê de be.

Şîva Xerîban û hilverîna pelgan Beşa 2



‘Dengê Celal digihîşte guhê min, ew deng dengê mirina wî bû ku li jêr îşkencê de di-kre hewar, û daxwaza alîkariyê dîkir, li ber çavên min her tişt miribû’

Di doma vê siyaseta karesatbar û sitemkarane de roja 12 Xermanana sala 1358'an (1979) êrîşa hovane bo ser mîhwera Bêwrê û Bêwranê dest pê kir. Di vê êrîşê de zirarek canî û malî gihîşte xelkê vê herêmê û gund ji vala û nîve vala man. Her di doma vê siyaseta de roja 18'ê Xermanana sala 1358'an hêzeke mezin ya Komara Îslamiya Îranê teyar bi tank û top û çekên giran û nîve giran ên curbicur li jêr piştewaniya hîlikopterên topdar bi armanca girtin û cihgirbûna li nuqtayên hestiyar û stratejîk ên Mîrawê û Alwetan de ber bi mîhwera Serdeşt û Pîranşarê çû, lê bi berberekanîyê re berbirû bû. Di rastî de niha êdî ew dewrana derbas bûye û gellek kirêt e ku em bîna û basa teqe teqê û li hevdu rakêşanê bikin, lê li vir de aliyê kêmez wek xwe nikarim pênuşê bi qestî bi ser berxwedaniya vê rojê de bikêşim û bixwe jî karek weha bikim ku rabûn û berberekanîya vê rojê li dîroka PDKÎ de bihê parve kirin, yan aliyê kêmez weha kêmezeng be, ku bihagiraniya xwe ya dîrokî ji dest bide. Keseke cihê baweriyê ji min re bas kir ku li dema rûniştina Deftera Siyasî li herêma “Aşî

Pîştakawê” bas ji giringiya roja 18'ê Xermanana sala 1358 (1979) û herweha teşwîqkirina pêşmergeyên beşdarbûyî li meşa vê rojê de hate kirin, yek ji wan kesan ew helbesta xwend: “Gah başed kê kûdekî nandan, bi Xelet ber hedef zened tîrî”, (car heye ku zarokek nezan bikare bi şaşî tîrekê li armancê bixîne”. Lê di rastî de bi gotina dost û dijmin, û heta xelkê bê alî jî, helwesta vê rojê yekemîn berberekanîya tund bû ku hêzên komara îslamiya Îranê pêre berbirû bûn.

Li vir de ez naxwazim ku bas ji hûrdekariyên pêşmergeyên bikim, ez kurt bibrrim, hêzên rejîma Îranê vê rojê weha şikest xwarin ku bixwe jî rû çinebûn ku basê bikin, lê sed mixabin vê rojê li dawîya pêşmergeyên de hevçeperê dilsoj û emegdar Mele Osman Yezdanperest naskirî bi Celal Mîraweyî li ber çavê min bi dîl girtin, serbarê pêşmergeyê tîkşikanê, dijmin dîlgirtina navbirî wek deskevtê mezin hesêband. Helbet mirov ya rast bêje, girtina Celal bo pasdaran deskevtê kêmez nebû, dijmin li jêr agirê hîlikopterên topdar de, bi ser şorî paşekêşe kir. Me birîndarek hebû, ku herçend birîna wî kûr nebû, lê gellek xwînrêjî dîkir, tîhnêtiyê piştî me

Çalakiyên dîplomatîk ên birêz Hesên Şereffî berdewam in



Rêzdar Hesên Şereffî cîgirê Rêskreterê giştî yê Partiya Demokrat a Kurdistanê Îranê hevdîtinek li gel karbidestên partiya Sosyalîst û partiya Komonîst a welatê Feransê pêk anî. Li gor rapora malpera Kurdistanmedia, Hesên Şereffî cîgirê sekreterê giştî yê Partiya Demokrat a Kurdistanê Îranê û Xosro Ebdulahlî berpîrsê pêwendiyên PDK Îranê li Feransê û li gel Kerîm Pakzad berpîrsê rêxistinên partiya Sosyalîsta Feransê û karûbarên pêwendiyên navdewletî civîyan. Di vê hevdîtinê de komek bas û mijarên siyasî ên pêwendîdar bi Îran û Kurdistanê hatin ber bas, û her di vê rûniştinê de pîrsa pîrograma etomî ya rejîma Îranê û jiyana pîrr îza ya hemwelatîyên Îranê bas lê hate kirin. Rêzdar Hesên Şereffî li dirêjahiya hevdîtina xwe li welatê Feransê de, li gel heyeta partiya komonîst a Feransê li Parîsê jî kom bû. Di vê rûniştinê de birêz Hesên

Şereffî basa rewşa aborî, siyasî û civakî a xelkê Îranê, bandora gemaroyên ser rejîma Îranê û hemwelatîyan, pîrsa şanoya hîlbijartinê û tevgera kedkarî, jinan û mamostayan bo vê heyetê kir.

Rêzdar Hesên Şereffî li dirêjahiya axaftina xwe de li ser tepeserkirina netewên Îranê bi taybet Kurdan û xebata netewên zilmlêkirî yên jêr desthelata Îranê kir.

Pîrsa Sûriyê û piştewaniya rejîma Îranê ji Beşar Esed û rewşa netewa Kurd li her çar parçên Kurdistanê tewerek din a pêşî bû.

Heyeta partiya Komonîst a Feransê pêk hatibû ji: Lîdya Semer Bexş berpîrsa pêwendiyên navnetewî, “Sîlwî Jan” berpîrsê karûbarên pêwendîdar bi tevgera Kurd û “Partîk Mergetî” berpîrsê komîsyona lêkolîna li ser xebata azadîxwazan li Rojhelata Navîn de.

şikandibû û birîndarê me jî berdewam daxwaza avê dîkir, li rastî de ez bixwe jî, ji wî tîhnêtir bûm. Tu îmkanteke dermanî jî me tunebû. Di vê demê de ji nişkêve Bêhrûz Kurd Ehmedî wek firîşteyekê derket, ew gellek peyt, û zîrek hate ber çavê min, min ew nas nedikir û min sipasiya wî kir, min jêve bû ku ew Komele yan Çirîk e. Lê wî bi girîngî ve gote min ku ew pêşmergeyê PDKÎ ye. Baş li bîra min de ye ku gellek barût çûbû nav gewriya min de, û bi tewahî gewriya min hişk û zuha bibû. Min jê serek zêde hebû, û berçavê min tarrî bibû, wî aspirînek da min, lê min av tunebû ku ez vê aspirînekê pê bixom, û tewaw ez bê taqet kiribûm. Ew aspirînek li nav gewriya min de sekinîbû, û pêve zeliqîbû, kaka Bêhrûz mistek nav piştî min da û ew heb li devê min de derket. Kak Bêhrûz wê demê ji aliyê Mamosta Hêmin û hevalên wî ve bo aliyê me hatibû şandin.

Mamosta Hêmin û hevalên wî gellek ji me dûr nebûn û kak Bêhrûz cihê wan nîşanî me da, û bixwe jî bona peydakirina guhdîrêjekê berev gundê “Wawan” rê ket nuqtaya rast ya pêşmergeyê “kelha Hemze” bû, ku ketibû navbera “Wawan” û “Tengî girjalî” de. Roja şehîdkirina Celal

Mîraweyî jî roja 18'ê Xermanana 1358'an e, ku li hinek ciyan de roja 24'ê Xermananê hatiye nivîsîn. Ez û hevalê xwe yê birîndar em hêdî hêdî çûne aliyê mam Hêmin û hevalên wî. Me hinek evraz û nişîv derbaz kirin, lê me çî kaniyek nedît, û tîhnêtiyê û bîrsîtiyê piştî li me şikandibû, em çûn û me xwe gihande ciyê mam Hêmin û me dît ku wan dezgeha çapê û alavên çapê bi awayek demîkî li wir danîne û bîhnîna xwe vedidin.

Êvariyek tarî û xembar bû, û deh yan dozdeh rojek ji havînê mabû, serê çiya sipî bibû, havîn bidawî dihat û payîza zer û xembar nizîk dibû, carna bayek hênîk li gel haşê haşê rûbarê Kellwê tîkel dibû, û xwe li ser û çavên me dixist. Ji aliyê din ve dengê Celal digihîşte guhê min, ew deng dengê mirina wî bû ku li jêr îşkencê de dîkire hewar, û daxwaza alîkariyê dîkir, li ber çavên min her tişt miribû, û tarîtiya mirinê li jêr hovên curbicur de xwe li rih û hestên min dixistin. Celal wek “kilûkên cotkaran” ku bi hemû nermî û nazikiya xwe piştî derketina gelawêjê li nav erdê req û hişk de serî dirakin, û piştî zû perper dibûn, ew jî gellek bê wext perper bû.....

Qasim Keleşî pêşmergê kevnar ê PDKÎ:

Morala wan 59 ciwanên Mehabadê ew qas bandor li min kir ku ez heya niha jî hest bi mandîbûnê nekim û berdewam bim li ser xebatê



Rast 30 sal bi ser vê rojê de derbas bû ku fermandariya bajarê Mehabadê di daxuyaniyekê de nûçeya pirr dilêş ya îdama 59 kulîlkên azadiyê, 59 ciwanên leheng ên Mehabadê, bi awayeke berfireh di nav bajarê Mehabadê de, bilavkir.

Li gorî gotina Celayîpûr, ew 59 ciwanên Mehabadê endamên PDKÎ û Komelê bûn û ji bo wan karê siyasî dikirin, lewra hatin girtin û piştî li dadgeha şoreşê ya Tewrêzê de hukmê îdamê ji wan re hatiye birrîn û li Tewrêzê de hatine îdamkirin.

Di salvegera îdama wan ciwanên şoreşger de me hewce zanî ku em gotûbêjekê di vê derheqê de li gel birêz Qasim Keleşî kadrê kevnar ê PDKÎ bikin ku heyamekê bi wan re li girtîgehê de bûye û ji nêzîk ve ew nas kirine û şahidê cesûrî û lehengiya wan bûye, û zêdetir ji du mehan bi hev re li girtîgeha bajarê Urmîyê de bûne.

Me di destpêkê de ji birêz Qasim çawaniya nasyariya bi wan 59 kes re, jê pirs kir, wî jî weha bersiv da: “Roja 27’ê Reşemeya sala 1361’an(1983) bû ku 59 kes anîn bo girtîgeha Urmîyê, û gotin evne xelkê Mehabadê ne, û karê siyasî kirine. Piştî ku min zanî ku kesên welatparêz in, ez bi wan re bûme heval”.

Navbirî herweha derheq morala bihêz ya wan girtiyan de got: “Yek

ji wan girtiyan bi navê Kemal, rojekê gote min ku me her 59 kes an wek endamên Komeleya Jiyaneweya Kurd wate (J- K), sond xwariye ku em îxanetê bi yektir û bi çî Kurdekî nekin. Em li ser Kurdîniyê hatine girtin, û em şanaziyê bi xwe dikin. Em ji vê natirsin ku ew me bikujin, belkû em dilgiran in bi vê ku temenê me hêştê kêm e, û me nekarî bi qasî ku hewce ye, em li xizmeta gelê xwe de bin.”


Birêz Qasim Keleşî ku her di wan rojên girtîgehê de bi sedema hevaletiyê bi wan 59 kes re, lêpirsîn lê hatibû kirin, weha bîreweriyên wan rojên nexweş li girtîgehê de bi me re parve kir: “Rojkê yek ji berpirsên girtîgehê di rîza wergirtina xwarinê de, gote yek ji wan hevalan bi navê Salih, ku tu gellek zêde diaxivî û axaftinên te pirr watedar in û Salih di

bersivê de gotê ku heke me serî tevandiba, li bajarê Mehabadê de, emê bêdeng bana, û we jî em nedianîn vir, lê xatircem bin ku em 59 kes ji we re tiştê nabêjin ku hûn dilê xwe pê xweş bikin, me kes nekuştîye, tenê li Mehabadê de rêpîvanek hebûye û em jî têde beşdar bûne, we jî bi sûtê endametiya hizbê em girtine, heke weha be, gelê Kurd bi tevahî li Kurdistana Îranê de endamên partiyên in, gelo ma dibe ku kurd bi tevahî bêne girtin. Her piştî wan axaftinan, salih birin û gellek jî îşkence kirin”.

Birêz Qasim Keleşî tevî vê ku birina wan 59 ciwanên Kurd bo îdamê wek bîreweriyek herî nexweş a xwe li dema girtîgehê de bi nav kir, weha bas ji morala pir bihêz ya wan ciwanên Me-

habadê ji me re kir: “Rojekê çend berpirsên girtîgehê hatin û gotne wan 59 kes ku xwe bo demjimêr 6’ê sibê amade bikin. Lewra vê şevê me pir bi hev ra qise kir û piştî wan bo cara dawiyê xatirê xwe ji me xwastin, û êdî qet venegeriyan. Piştî heyamekê malbata min hatne dîtina min, û gotne min ku pêşmergê hêza Bêstûn a PDK Îranê ji bo tolhildana wan 59 îdamkirîyan, 59 emeliyat encam dane. Dema ew yek min zanî, min hest kir ku her 59 kes jî sax bûne”.

Di dawiya vê hevdiştinê de birêz Qasim rêz û hurmet ji yad û bîra wan girt û got ku morala wan, ew qas bandor li wî kir ku ew heya niha jî hest bi mandîbûnê neke û berdewam be li ser xebatê.



Nerîna Lîderan



Salih
Muslim

**Hebûna du hêzên çek-
dar li herêmê Kurdak-
incî li Sûriyê şerê navx-
weyî wê pêk bîne.**



Beşar
Esed

**Erdoxan bila dest
ji kar berde û guh
li daxwazên xelkê
nerazî bigre**



Mihemed
Baqir
Qalîbaf

**Birêveberiya xi-
rap ya dewletê
bû sebab ku gola
Urmîyê hişk be**

Yazdehemîn gera hîlbijartina serkomariyê li Îranê de, li demekê de birêve diçe ku gellek ji jinên Îranî û heta ew jinên ku bi awayekê li dewra bazineya deshilatê kom bûne, hêviya wan bi serkomariyê bûye bilqa ser avê, û nekarîne heta bo carekê jî, ji filterên Konseya Nobedar re derbaz bin, retkirina kêrhatiya jinan, girêdayî bi maddeya 115'ê ya yasaya bingehîn a Îranê ye, ku wek pêşmerc bo xwe berbi-jarkirinê qala "recolên mesebî û siyasî" dike, wate mîrên ayînî û siyasî. Diyarê ên ayînî jî divêt ser bi mesebê Şîeyên dozdeh îmamî bin, û mîrên Sunnî meseb jî, ji vê sansorê bê par nebûne. Di vê derheqê de me bîrûboçûnên çend jinên çalak ên siyasî û çalak di warê mafê jinan de wergirtiye, ku li jêr de hatiye:



yan derbixin holê û arîşeyên ser-
eke her wek xwe û di cihê xwe de
ne.

Diyare eva bi tenê jin nînin ku
di Kevin ber tîxa sansora Komara
Îslamî, belkî kêmaniyên olî jî di-
gire. Di paragrafa 12 a yasaya
bingehî a Komara Îslamî de hatiye
ku mesebê fermî di Îranê de Şî'eya
12 îmamî ye, lewma Sunî nikarin
bona posta serkomariyê di Îranê
de xwe berbîjêr bikin.

Şikûfe Qubadî

Heya niha Şevra Nobedar, îzin ne-
daye tu jinekê ku li hîlbijartinên
serkomariyê de beşdariyê bike,
û ew yek jî vedigere ser şeweya
bîrkirina olî û çanda serdestbûna
mêr ya zal bi ser vê nizamê de ku
ji bîreke kevn û konservatîv ya olî
ve çavkanî digre.

Armanc ji destpeyva "Recolê
mezhebî" ew e ku tenê mêr di-
karin li hîlbijartinên serkomariyê
de xwe berbîjar bikin, û hem jî
ew kes divêt Şî'e û dozdeh îmamî
bin. Ya rast ew e ku peyva "recol",
bi wateya kesayetî nine û rast bi
wateya "mêr" e. Hekî ne li Îranê de
gellek jinên siyasî û jêhatî hene ku
dikarin li hîlbijartineke azad de
xwe bo posta serkomariyê berbi-
jar bikin, û heke deng bînin dikar-
in bi başî welatê xwe birêve bibin.
Ew sivikatîpêkirin rast vedigere
bo vê bîr û hizra ayînî û Îslamî,
ku jinê wek nîva mêr dihesibîne.
Di sistemekê de ku şahidîdana du
jinan bi qasî mêrekê ye, û du jin bi
qasî mêrekê mîrat ber wan dikeve,
û jin di warê bîrkirinê de netewaw
û nivîşkan tê hesibandin, û mêr li
gorî yasa û li gorî şer'î mafê anîna
çend jinan bi hev re heye, bê gu-
man li sistemeke weha de mirov
nikare çavniherê vê yekê be ku
bîrkirina wan li ser jinê biguhere...

Şehîn

Doma R: 6

Sûreya Felah

Îsal û di yazdehemîn dewra hil-
bijartinên serkomariya Îranê
de, jinan pitir ji gerên borî xwe bo
vê postê berbîjar kirin. Yek ji wan
30 jinên beşdar di hîlbijartinê de
bi navê Sureya Melekzad rage-
hand ku, hekî ez bibim serkomar,
ezê kabîneya xwe wê di navbera
jin û mêran de bi awayek 50, 50
dabeş bikim. Ayetullah Yezdî jî
di bersiva wê de dibêje ku, "Di
serdemên kevnar de rêya wî
nedidan ku derbasî gund be, wî
pirsyar fikir ku mala Koxa li kû
ye? Eva jî bi vê wateyê tê ku di
Komara Îslamî û bi giştî welatên
Îslamî de nabe bas ji hîlbijartina
jinan bihê kirin, jin nikare di pos-
ta serkomariyê de be û eva jî, ji
yasaya bingehî a Komara Îslamî
çavkanî digire.

Maddeya 115'ê ya yasaya bingehî
a Komara Îslamî derheq hîlbijar-
tina jinan, ji peyva "Rêcalê Siyasî"
mifah wergirtiye. Wateya han jî
bandor xistiye ser mîrên siyasî û
têgehiştî di hikumetê de, lewma
piraniya kesên ku mezhebî û olî
ne, weke Mihemed Yezdî di Ko-
mara Îslamî de piştewaniya vê
bendê dikan.

heta çend sal berî niha dema ku
xanima Taliqanî xwe bo posta

serkomariyê di Îranê de berbîjêr
kir, bi êşkere ragehandin ku jin
nikare di pirojeya han de beşdar
be û eva bi dijî yasaya bingehî a
Komara Îslamî ye. Ev gotinên han
arîşeyên zaf di nav civaka Îranê û
bitaybet di nav jinan de pêk anî û
cihê dilxweşiyê bû.

Xanimek bi navê Tûran Welîmo-
rad her di vê peywendiyê de na-
meyek nivîsî û tê de Ayetulla Yezdî
û endamên din ên Şivra Nobedar
kêşa bin pirsyarê û ragehand ku,
serbarê wê ku pirsyara mala koxa
dikan, belkî mal mala me ye û "Rê-
calê Siyasî" bi tenê mêran nagire,
belkî bas ji bijardeyan dike û bo
kesên siyasî ye. Pirsyar jî ev e ku
gelo bi rastî "Rical" tenê bi mêran
tê gotin yan kesatiyan?

Di heyamê pitir ji 30 salên derba-
zbûyî de gellek jinên çalak û maf-
waz ên Îranî xebitîne bona vê ku
di civakê de mafên xwe wekhev
bikin û em hemû jî dizanin ku di
yasaya bingehî a Îranê de 11 heya
12 made hene ku bi êşkere vê
yekê di selimînin ku wekhevî di
navbera jin û mêran de tune, çî
li jiyana takekesî de û çî ji aliyên
din weke telaq, avakirina jiyana
hevbeş, kevirbarankirina jinan,
kuştin bi tawana şeref û namûs
û ... hwd. Jin bona rakirina ew
diyardeyên qirêj û yasayên dije
mirovî pir xebitîne. Em dikarin
bêjin ku di hindêk biyavan de bi
qasek kêrî karîne ku guherînkari-

Doma R: 5



Behmen Soltanî

Yasaya bingehî a her welatekê pira navbera deshelat û xelkê ye. Yasaya bingehî a Komara Îslamî jî ku 34 saliya temenê xwe derbas dike, her di despêkê de ji aliyê mêran û di rewşa şoreşê de û li ser bingeha îdolojîya Îslamî û mesebê Şî'eya 12 Îmamî hatiye avakirin û têde jin bi regeza pile du û bindestê mirov ku regeza pile yek e, maf jê re hatiye diyarî kirin.

Benda 115'ê ya yasaya bingehî ya Komara Îslamî ku taybet e bi taybetmendiyên serkomariyê dibêje, serkomar dibe "Recol", Mesebî û siyasî be. Peyva "Recol" ku peyvek Erebi ye bi wateya mîr tê, lewra ket ber dijatiya jin û rewşenbîran, lewma karbidestên Komara Îslamî gotin ku armanc ji "Recol" regez e, ne kesatî. Îsal ku gera yazdehemîn a hîlbijartinên serkomariyê di Îranê de wê reve here, di despêkê de çend jina xwe berbijê kir, lê her weke gerên der-

bazbûyî ji aliyê Şevra Nobedar ve kêrhatîbûna wan nehat qebûl kirin û her di vê peywendiyê de Ayetulla Yezdî ragehand ku jin nikare bibe serkomar.

Jinan li warê xwendin û pêşkevtinê de xwe mandî kirine û heta li pêşiya mêran de ne. Lê mixabin di civaka Îranê de û bitaybet di çend salên derbasbûyî de, deshelata siyasî û biryardanê di destê mêran de bûye. Sebeba vê yekê jî vedigere bo yasaya bingehî a Komara Îslamî ku mafên jin û mafên yeksanbûna jin û mêran bînpê dike.

Bi giştî di yasaya bingehî a Îranê de deshelata siyasî li ser bingeha regez tê diyarî kirin û mafê vê yekê bi jinê nehatiye dan ku here nawendên deshilata siyasî bitaybetî posta serkomariyê ku piştî Welîyê Feqîh, kesê duhemîn ê deshilatdar be. heta jinên "mûctehid" jî mafên wekhev digel mêran tunînin û piştî mêran hesab ji wan re tê kirin.

Gulale Kemanger

Eva ku pênasêya rohn ya "Recolê Siyasî" çî ye, gellek bas li ser hatiye kirin, hinek kes li dema şiroveya vê destewajeyê de dibêjin ku "Recol", bi wateya "mîr" nine û li vir de armanc kesên xwedî şîyan û kesayetiyên navdar di warên siyasî de ne. Ew kesane li gorî bekgirawenda ayînî û dînî a xwe, ji kanala şirove yê ve dinêrne her tiştî, û jêve ne ku jiber ku nivîsên olî, tene şirovekirin, bi heman şeweyî yasaya bingehîn jî tê şirovekirin, li halekê de hem yasadane, û hem jî berpîrsê guherîn û pêdeçûn û rohnkirina yasayê heye, û di vî biyavî de ew jî heman Şoraya Nobedar e. Vê şorayê heya niha jî bi tu awayî raneghandiye ku "recolê siyasî û mesebî", jinan jî bi xwe ve digre.

Li dema pesendkirina yasaya

û rêberiya civakê nine ku jin nekarin bigirne stûyê xwe, lê nûnerên parlamentoyê bi dengê giştî li ser vê baweriyê ne ku serokkomarî heman "hakimiyet", û serokatî ye ku li gorî yasayên îslamê jin nikarin têde beşdar bin. Eva tiştek e ku hem pala xwe daye deqên ayînî, û hem jî yekdengiya kesayetiyên siyasî ên Îranê li ser hebûye. Lewra eva ku basê vê tê kirin ku "recolê siyasî" jinê jî bi xwe ve digre, baseke lawaz e, û mêrbûn yek ji şert û mercên sereke ên serkomariyê di Îranê de ye.

Bi raya min ew şewe sivikatî kirina ku hem li yasaya bingehîn de heye û hemî jî gellek caran ji ziman berpîrsyarên rejîmê ve tê bihîstin her hemû jî vedigere bo cîhanbînî û çandekê ku têde jin jîndareke natewaw e, heya vê demê jî ku cîhanbîniya olî û îslamî bandora xwe li ser siyaset û û deshilatê danê, û yasa li ser bingeha îdeolojî û ayînê bêne dariştin boçûnê weha ji hêla gellek kesan



bingehîn de jî ji aliyê hinek kesan ve, ew yek hatiye baskirin ku erkê serokkomariyê wek erkê dadwerî

ve tê çavniherkirin.

Amerîka:

Îran piştgiriya terorê dike

Dewleta Amerîka dibêje ku Îran bi taybet ji rêya Hizbullaha Lubnanê ve piştgiriye ji terorîzma navnetewî dike.

Di rapora terorîzma sala 2012'an de navên wan welatên ku di listeya terorê de bûn nehatiye guhertin û Kûba, Îran û Sûriye di listeya terorê de cih digrin.



Di vê navberê de navê Îranê wek "Xetakarê herî xirap di warê piştgirî ji terorîzmê" hatiye pîr rengkirin, û Sûriye jî bi sedema tepeseriya bêrehmane ya di-jberên xwe hatiye şermazkirin.

Di raporê de hatiye ku piştgiriya Îranê ji terorîzmê di wan salên dawiyê de, pîranî ji rêya hêzên Quds a Sipaha Pasdaran a Îranê û girûpên ser bi Hizbullaha Lubnanê ve hatiye encamdan.

Di vê daxuyaniyê de hatiye: "Çalakiyên terorîstî ên Îran û Hizbullahê, gihiştine asteke ku di dehsalên 1990'î de jî, weha nebû.

Hilbijartinê guhertin pêk anîban, rejîmê nedikir

Nimayîş û şanoya ku her çar salan carekê ji aliyê Komara Îslamî ve tê birêvebirin, wa dîsan amade ye bikeve ser dikê. Maşkanêyek ku li du beş û perdeyan de birêve diçe. Perdeya yekemîn û sereke ku li civînên nepenî û li pişt perdeyan ji aliyê hakimiyetê bi serokatiya weliyê Feqîh ve birêve çû û Konseya Nobedar a rejîmê 8 kes li parzînkê xwe de derbas kirin û hilbijartinek li nav binav hilbijartinê de kir.

Perdeya duyemîn û girîng jî ku qirare çend rojên din bê lîstin pêwendî bi raya giştî a Îran û cîhanê ve heye ku carek din jî bîn xapandin û wusa nîşan bidin ku rejîma Îranê, sistemek demokratîk e û hikûmetek xelkî ye û rewatî û meşrûiyeta xwe ji xelkê werdigre!.

Li rastî de ceribîna 34 salên derbasbûyî, him xelkê Îranê û him jî raya giştî a cîhanê û rojava re eşkere kiriye ku îdeolojiya



Selîm Zencîrî

kevneşopxwaz û paremayî a rejîmê roj bi rojê çirtir û tîrtir dibe û nikare çi hizir, ayîn, meseb û regezên cuda ji xwe bipejirîne û heta rehmê bi hevçeperên xwe jî nake. Lewma ew kirasê demokratîk ku çar salan carekê li xwe dike û rewatiyê ji xwe re pê misoger dike, li bejna wê nayê û gelek jêre fireh e. Wate ew gurê ku hetanî niha hewil daye xwe li kewilê pez de veşêre, bi kiryarên

hovane rûyê rastîn ê xwe eşkere kir.

Lewma niha ku Weliyê Feqîh û lîstikvanên perdeya duyemîn bi gef, girtin û ewlehîkirin û herweha lahî û dalahiyan ketine canê xelkê da ku bi beşdariya xwe "Hemaseya Siyasî" a Xamineyî û nimayîşa wî bidawî bînin.

Bêhay jî vê ku şanoya wan bê temaşavan e û xelkê Îranê bi lîstikên wan hesiyane û nabine alîkar bo serxistina maşkanêyekê ku li pêxem dirêjkirina temenê rejîmê de ye. Gelên Îranê heta eger hafize û bîrdanka dîrokî a xwe jî ku tejiye ji cinayet, neheqî û bêbextiyên rejîmê

derheq wan, nexînin kar, lê mentiq û hişyariya siyasî a wan bi qasekê ye ku êdî bi xwe çarenivîsa xwe diyarî bikin û naçine nav lîstikekê ku dizanin dê her dorandî bin. Ew bi tehrîmkirin û neçûna ser sindoqan, dê keramet û kesatiya tehqîrkirî a xwe ku 34 sal in ji aliyê rejîmê ve tê pêpeskirin bidest bixin û nabine alavek bo serxistina pîlanên rejîmê û dirêjbûna temenê wê.

Çûnku 8 berbijarên serkomariyê, kesên helandî li nav mekteb û îdeolojiya wilayeta feqîh de ne û tu yek ji wan derheq xizmet bi xelkê û pêşeroja Îranê de nafikirin û pîlan û bername jî ji bo vê yekê nînin, xincî parastina nîzamê û temendirêjiya wê. Ku waye ew gotina Mark Tuwayn li ser Îranê tam li cihê xwe de ku li sistemen nedemokratîk û dîktatorî de ku azadî nine, ger helbijartinê û dengê xelkê karîba guhertinekê pêk bîne, eslen îzna birêveçûna wê nedihat dayîn. Lewma êdî dema wê hatiye ku bi neçûna ser sindoqan "NA" yek mezin bibêjne rejîmê û bibine destpêkek bo xebatek bihêz a medenî bo azadî û demokrasiyê re bi her nîrxa heyî, ku bêşik çax û zeman û raya giştî bi wan re ye.

Miqesokên bê nav ên Îmam Zeman di esmanê Turkiyê de



Adil Muradî

Gelek caran bi bihîstina navê sîxoran, rûçikê mêrekê di mêjiyê me de çêdibe. Eva di demekê de ye ku bi dirêjahiya dîrokê kêmbûne ew jinên ku bo bidestveanîna zaniyariyên nepenî ên welatan ji rêyên curbicur û anîn û birina zanyariyan



qedera şer û rewşa welatan beravajî kirine.

Du sedemên sereke bona bikaranîna jinan bo kar û barên

sîxoriyê hene: Yekemîn ev e ku jin kêmtir cihê şik û gumanê ne. Sedemek din jî ev e ku hertim jin dikarin bi mifahwergirtin ji xweşikî û balkêşiya rûçikê xwe

ê jinanî, mêran bixapînin û zaniyariyan ji devê wan de derxînin.

Em dikarin jinên sîxor bi ser du desteyan de parve bikin, jinên sîxor ên asayî û sîxorên ku heyamek berî niha bi "miqestok" hatine naskirin. Miqestokan hertim bi liberçavgirtina kêmasiyên siyasî û rayedarên şehwetbaz û bi mifahwergirtin ji şîyanên xwe ên cinsî, karîna ku pîlanê sîxorî ên welatê dilxwaze xwe cîbicî bikin.

Li gor gotinên Miqestokekê xwe xweşikkirina jinan yek ji rêyên herî goncav di karûbarên sîxorî de ye, ew jina sîxor herweha dibêje ku, jin di hindek

Dom: R 9'ê



“Sala 1985’ê li Gewredê, Dr.Qasimlo civînek bo pêşmergehên hêzêzn Seqiz, Hewşar û Dîwanderê pêk anî û di vê civînê de bû ku bo cara yekemîn min şehîd Qasimlo dît û ez pir dîlxweş bûm ku min rêberê xwe ji nêzîk we dît, lê piştî vê du carên din jî min rêberê xwe dît”.

Mistefa Pîranî kurê Mihemed Emîn, sala 1343’an (1964) li gundê “Qozlû” a ser bi navçeya Hewşarê, di malbatek hejar de tê dinê. Mistefa weke tewahiya zarokên din temenê zarokatiya xwe derbaz dike heya dema xwendina wî digîje. Ew diçe xwendîngehê û piştî tenê salekî, mixabin bi sedema mêrserdestiya ku di malbata wî de heye, rêya xwendinê ji aliyê Mihemed Emînê bavê wî tê girtin û Mistefa bi neçarî rû li şivan û gavaniyê dike û piştî heyamê du salan weke kedkar dice bajarê Tehranê.

Mistefa Pîranî derheq nasîn û tevlîbûna xwe bi PDKÎ re dibêje; “Di despêka sala 1358’an (1979) de, min PDKÎ nas kir û di heyva Reşemeya sala 1361’an (1983) de tevî refên kadr û pêşmergehên partiyê bûm”.

Mistefa di doma gotinên xwe de dibêje; “Gellek sedem hebûn ku rêya tevlîbûna bi PDKÎ jî min re nîşan dan, bo mînak; Yekemîn ew bû ku armancên PDKÎ armancên xelkên Kurdistanê bûn, ya duyemîn ew bû ku take partiya opozisyona Îranî bû ku li seranserê herêma Hewşarê binke û baregehên xwe ava kiribûn, ya sêhemîn jî ew bû ku hevalek devrana zarokatiya min di nava refên pêşmergehên partiyê de şehîd ket û şehîdbûna wî pitir xwîna min bi coş anî ku bibim pêşmerge, û sedema çaremîn ew bû ku kakila Komara Îslamî bo min bêtir ji caran êşkere bû û min baştir nas kir ku rejîmek çiqas hov e”.



Mistefa Pîranî



Mistefa Pîranî derheq rojên xweş û nexweş ê jiyana xwe dibêje; “Pîraniya rojên jiyana pêşmergehiyê bi êş in, lê roja herî bi jan û nexweş roja şehîdketina Dr. Qasimlo û hevalên wî bû û tu caran ew roj li hizra min de der nakeve. Lê di hember wê de rojên xweş ên jiyana min jî kêr nînin. Bo mînak roja raperîna xelkê Başûrê Kurdistanê

di sala 1991’ê de rojek pir xweş bû bo min, herweha sala 1985’ê li Gewredê, Dr.Qasimlo civînek bo pêşmergehên hêzêzn Seqiz, Hewşar û Dîwanderê pêk anî û di vê civînê de bû ku bo cara yekemîn min şehîd Qasimlo dît û ez pir dîlxweş bûm ku min rêberê xwe ji nêzîk we dît, lê piştî vê du carên din jî min rêberê xwe dît.

Mistefa derheq jiyana xwe a hevpar dibêje: “Min di payîza sala 1374’an (1995) de jiyana hevpar digel Ferîde Mihemedzade Pêk anî û berhema jiyana me jî kur û keçek in”.

Mistefa Pîranî dibêje: “Raste ku birayek min bi navê Mihemed Kerîm Pîranî di nava refên Kadr û pêşmergehên PDKÎ şehîd ketiye û canê xwe pêşkêşî baregehên azadiyê kiriye, û herweha min bi xwe jî pitir ji 30 sal temenê xwe gorî rêbaza şehîdên Kurdistanê kiriye, lê jiber ku ez bi du armacek pîroz re hatime û daxwaza mafên xwe dikin, ez pir hêvîdarm bi pêşeroja gelê xwe û xatircem im ku emê serkevtinê bi dest bixin. Hekî em li şoreşên din ên cîhanê binêrin dibînin ku, ew jî her weke me xebat û berxwedana xwe domandine heya gehîştine serkevtinê.”

Birêz Pîranî di dawiyê de rû li xelkê Kurdistanê dike û dibêje: “Herwek heya niha xelkê Kurdistanê selimandine ku berxwe didin, û li piştî pêşmerge sekinîne û li hemû aliyan de li hemberî hikûmetên zal bi ser Kurdistanê bitaybet Komara Îslamî de disekinîn û pîlanên wê pûç dikin, daxwaz dikim ku li ser vê berxwedana xwe berdewam bin, jiber ku armanca wan pîroz û rewa ye.

Hevpeyvîn: Faxir Molûdî



Çend rojek bo 11'mîn dewra hîlbijartinên serkomariyê li Îranê maye. Hîlbijartina serkomar û hîlbijartinên civatên gund û bajaran îsal bi hev re ne. Tirs, şik û guman, û bêbawerî zor di nav gelên Îranê de heye. Lê li derveyî Îranê çaven hemû dewletên dost û neyarên komara Îslamî li ser hîlbijartina vê mehê ye.

Heta niha li hemû hîlbijartnan de gelê Îranê hatiye xapandin. Çend sala berî niha jin û ciwanên Îranê bi dirûsmên drevîne Xatemi hatne xapandin. Li sala 2009'an şûnde, dîsan jin û ciwanên Îranê bi hêviyekê pir mezin çûne ser sindoqên hîlbjartinê. Lê mixabin me hemûyan dît ku ew hîlbjartin tenê sergirêdanek bû, û naweroka wê vala bû.

Her li sala 1979'an ku Komara Îslamî, gelên Îranê wek kole kire bin desthilatdariya xwe de, wê rejîmê hemû maf û kontrola gelên Îranê kire bin zêhniyata peşkevtiye xwe de.

Di bin siya vê rejîmê de, Kurd, Belûç û Turkemen li ber wê hendê ku sonî ne, qet mafê vê nînin ku xwe bo posta serkomariyê berbîjar bikin. Cuda ji vê ku ew hinde zulma netewî, kulturî, civakî, abûrîû hwd li wan tê kirin.

Jinên Îranê her li despêka vê hikûmetê de, ketine ber tofana qehr û nefretê.

Di Destûra Bingehîn a Komara

Hîlbijartina serkomariyê û Jinên Iranê



Îslamî ya Îranê de, çi xalek demokratîk ji bo mafên jinan nehatiye berçavgirtin. Bêhurmetiyên herî mezin di Destûra Bingehîn ya Îrane de, li hember jinan hatene kirin. Mirov pêwîst nake ku hetmen yasa nas be bo vê ku li wan yasayên nemirovane têbigîje.

Ezê tenê îşarê bi çend ji wan xalan bikim û gellek zû ev rastiye derdikeve holê. Xalên weke: Du jin bi yek şahid zanîn, sîxe, mêr dikarin li gor dilê xwe çend jinan li xwe mare bikin, mêr dikarin heta çar jin hebin, jinan mafê veqetiyên û cudabûne ji mêr nîne, lê mêr her dema ku dilê wî xwast, dikare jina xwe berde, û jin nikare bibe Qazî.

Jin mafê serperestiya zarokan nîne. Jin ji mafê mîratê de, gellek kêmbere dîkeve. Bi kurtî, mirov dikare bibêje ku hemû yasayên Îranê li dijî jinê hatine darêtin ku bingeha vê yekê îdeolojiya "Welî Feqih" e.

Jinên Îranê hindek daxwazî li dewra 10'mîn a serkomariyê hebûn, bo nimûne: Îran dibe konvansiyoona dijî tebîz li jin qebûl bike û çend xalên wek 19, 20, 21, û 115'ê ya destûra bingehîn biguhere.

Mirov dibîne ku jinên Îranê êdî hatine ser vê baweriyê ku ew rijîma qet li destûra bingehîne xwe de guhertine pêk naîne.



Perî Îslamniya

Piştî heşet salên pir ji zulm û xiyaret bi gelên Îranê, Ehmedîniyad ew perên petrolê ku soz dabû bîne ser sivka feqîr û hejarên Îranê, pêşkêşî Hizbullahê û çekirina binkeyên terorîstî li welatên Îraq, Vênzoêla, Lubnan û deverên din ên cîhanê de kir.

Ji aliyek din ve rejîm ku dizane tewaw pêgeha xwe li nav xelkê de ji dest daye, lewra niha biryara xwe daye ku du hîlbijartinan bihevre birêve bibe.

Jinên Îranê bila pêş hemû tiştî de karnama wan heşt kandîdan bixwînin û şirove bikin. Jinên Îranê divê li xwe pirs bikin ku gelo heke min wek jin ew mafa nîne ku xwe ji bo posta serkomariyê kandîd bikim, çima beşdariyê li hîlbijartinek weha de bikin?

Doma R: 7

me'muriyetan de bêtir ji mêran kar dikin. Bo mînak mêrek ku dixwaze ji herêmek qedexe derbas be, xwediyê şansek kêmbere bona peydakirina rêya rast, lê şansa serkeftina jinek dev bi kenî û xwe xweşik heye.

Eva ku li gor şahidên dîrokî em dikarin bêjin ev e ku, sîxorî û perwerde kirina Miqestokan, bûye çekek nepenî di destê dewletan de û her welatek bi awayek teybet bi xwe mifahê jê disitîne. Ev rastî ku heta mêrên herî bi hêz jî renga li hember balkêşiya jinan de teslîm bin, û eva ku jin bi sedema hêza xwe ya çend alî cudahiyek zêde ji mêran hene, û li şerê nerm û veşartî de tîn bi-

kar anîn, lewma hokara sereke bona handana dewletan di ware perwerde kirina sîxoran jin in. Di vê navberê de hikûmeta terorîst a Komara Îslamî jî li vê çarçoveyê bider nine. Bi awayekî ku di çend rojên derbazbûyî de nûçeya desteserkirina tîmek ji jinên Îranî ên ser bi Sipaya Pasdaran, li Bajare "Îxdîr" a Turkiyê, bi tawana sîxorî li ser rayedarên leşkerî, ewlehî û dewletî ên wî welatî, li jêr navê rûspîgerî û zewicînên demekî digel wan rayedaran, belgeyek din ji karên qirêj ên Komara Îslamî li cîhanê eşkere kir.

Komara Îslamî derheq mifahwergirtina ji taybetmendiyên fîzîkî û rûçîkî ên rejîmê, û perwerde kirina jinên rûspî, bi tenê wan bo emelyatên derveyî sînoran bikar naîne, belkî di navxwe a Îranê û



bitaybet herêmên Kurd akincî jî siyaseta geşandina fesad û fehşa û hiloşandina bingeha malbatî bi kar aniye, jiber ku di civakekê de dema bingeha malbatê lerizî, arîşe derkevin holê û eva jî mînakek e ji şerê nerm ê Komara Îslamî tevî netewa Kurd.

Bi çavpêxişandinek bi ser sêr-wîsên îtila'atî û ewlehî yên Komara Îslamî, ew yek derdikeve ku bona hingavtina armancên

xwe ên qirêj di navxwe û derveyî sînoran de, ji tu karekê destê xwe naparêze û mifahwergirtina wek emraz ji hunermend, zana, jin û zarokan bona sîxorî û bidestveanîna zanyariyan, yek ji fêlên Komara Îslamî ye.

Cihê hêviyê ye ku jin bikarin bigîjepileya bilind a mirovî û hiqûqî ya xwe, da ku derfeta jiyanê bo nîfşên pêşerojê bê dabînkirin.

Bi şaşî Garîdo kirin şaciwan



Donîz Garîdo, yek ji beşdarên pêşbirkêya şaciwanên kanada, 24 demjimêr bi ser xweşiyên wê de derbaz nebibû ku naznavê şaciwaniyê jê sitandin.

Rêveberê pêşbirkê, hêceta vê anî ku şasiyek taypê hebûye û berpirsê nivîandin û taypkirina wan navan wek berpirsîyarê vê şasiyê da zanîn.

Di vî warî de Garîdo ragehand, "Nûçeya jê wergirtina vî naznavî



ez tuşî heyrîmanê kirim, min wa dizanî ku xewnên min bi cî hatine, lê ji nişkêve ev naznav ji min hat sitandin.

Keçeke din ya temen 26 salî bi navê "Rîza Santos" bû xwediyê vê naznavê.

Gotinên Pêşînan



A: Çiya Mazî

Dilê bêkesan li ser hemû kesî dişewite:

Kesê bê kes dilşewat e. Dilê wî li ser herkesî dişewite lewre ew pir di astengîyan re derbas dibe herwha xwe tenê dihesibîne û dibêje qey herkes wekî min e. Ji ber tenêti kişandîye jî mirovên bêkes naxwaze kesekî din jî wekî wî bêkes bimîne.

Dilê dê bi ser dotê ye, ê dotê bi ser çiyayê Qaf de ye:

Ev jî wekî "berê xweha li bira yê bira li çiya ye". Lê carna dê heye ku tim dilê wê li ser zarokên wê diêşe lê mixabin dizewicin û diçin.

Dilê mêvana nehêle, wê bi xwe herin:

Mêvan çiqas tamsar bin jî, çiqas nehêjayî hurmetê bin jî, ne hewceyî ku mirov wan biqewirîne lewre ew dê bi xwe herin.

Dilop bi xwe cîhê xwe çê dike:

Tiştên xwezayî, mirov destê nede jî ew bi xwe xwe diguherînin. Tiştin hene ku mirov divê dest navêjê ji bo ku bi xwe bijî an çê bibe, heke mirov mudaxele bike dibe ku ji dirûvê xwe derkeve û şaş çê bibe. Carinan bûyer bi awayê xwezayî bibin baş e.



Xwendingehêk ji bo perwerdekirina siyasetvanan



Her tim doktor û pirofisorên warê Saykolojîyê vê yekê ducarî dikin ku heke civakek bixwaze kesên mezin û jêhatî berhem bîne, divêt bo bidestveanîna wan armancan pîlan û rêyên taybet di zarokiyê de bigire pêşîya xwe.

Xwendingeha "Îton" yek ji wan xwendingehan e ku her ji destpêka avakirinê de ev rêye bikar aniye û heya niha deyan xwendekarên vê xwendingehê piştî bidawîkirina xwendinê, bûne serkirde û siyasetsvanên navdar ên Bîrîtanya, ku li

berevpêşveçûna welatê xwe de rolek bilind hebûne.

Xwendekar her di destpêka xwendinê di wan xwendingehan de, radigehînin ku ew di pêşerojê de wê bibne pêşeng û serkirdên welatê xwe, ji ber vê yekê pêdvî



ye ku ji niha pêve hest bi berpirsîyarîyê bikin û xwe bo rewşek

weha amade bikin.

Ev pirsîyar û sedan pirsîyarên din di taqîkirina xwendingeha "Îton" de tê dîtin.

Dîvîd Kamêron, serokwezîrê Bîrîtaniya û Borîs Conson parêzgarê Londen yek ji van xwendekarên serkevtî ên vê xwendingehê ne.

Xwendingeha Îton yek ji van xwendingehên Bîrîtaniyayê ye ku heya niha tenê kur dikarindi vê xwendingehê de bixwînin û

rê nadin ku keç jî bixwînin.

A: Adil Muradî

Şaristana Sehne

Şaristana Sehne li ro-jhilatê parêzgeha Kirmanşahê, û xwediyê du beşan bi navên beşa Nawendî û beşa Dînwer e. Nifûsa vî şaristanî 85000 kes e.

Ji çiyayên wê em dikarin qala çiyayê “Qollê Hicr”, “Çerşekan”, “Kelaxan”, “Êmrole”, “Teklû”, “Nixod Çal Sowîl”, û “Çihar Çalab” bikin.

Xelkê vê herêmê Kurd û Lekî ne, û ew şaristan ji du bexş, du nawendên bajar, heft gundistan û 185 gundan e.

Li gorî zanyariyan pêştir navê vê şaristanê “Sane” bûye. Yaqût li pirtûka “Mo’cemol Boldan” li sala 632’an ya heyvî de dibêje



ku: “Sehne” wate rengê rû û ciwanî. Bi awayek din ew nav ji peyvek Evistayî bi navê Se’ne hatiye wer-girtin ku navê teyrê bi navê Şahîn e. Jiber ku ew teyr her tim bi ser şaristana Sehne de difirîya, navê vî teyrî li ser vê herêmê hate danîn.

Ji cih û warên dîrokî û cihên geryanê li vê herêmê de em dikarin qala wan cihan bikin:

Şikevta Hacî, şikevta seyîd Şehab, Îmamzadeya Ebbas Elî, Îmamzadeya Mehmûd, Îmamzadeya seyîd Îbrahîm, Îmamzadeya seyîd celaledîn, Îmamzadeya Pîr tekan, Pira Xosrewî, Pira Nûjî wan, Hemama pa çemen, ziyaretgeha Şoq Elî, ziyaretgeha Txt Teymûr, Kelha Hejîr, Kelha Merwan, qebrê kevrîn ya Keykavûs.

Jina Polonî “Dr. Joanna Bo-chenska”, di Enstîtuya Zankoya “Jagillonian” a Poloniya de, di beşa Xebatê “Ariental” de li ser çand û wêjeya Kurdî dersê dide. “Dr. Bochen-ska” destnîşan kir, ku zarok pêşeroja civakê ye, lewma bang li malbatên Kurd kir ku bi zarokên xwe re bi Kurdî bi-axivin.

Wê li gotûbêjekê de ku ajansa ANF’ê pêre pêk anî, di vê derheqê de weha got: “Min cara yekem Kurd û çanda Kurdî 13 sal berê naskir. Ez ji bo li ser wêjeya Rûsî û akademiya sînemayê bixwînim hatibûm Moskowayê.

Li vir min Kurd nas kir, û bala min kişandin. Di serî de min çend pirtûkê ku li ser çand û wêjeya Kurd a bi Rûsî hatine nivîsan-din min kirî û xwendin. Ev mijar ji bo min nû bû û bala min pirtir dikişand ser xwe.

Beriya ku ez fêrî zimanê Kurdî bibim bi alîkariya wergerê min çanda Kurdî dixwend. Lê niha ez fêrî Kurdî bûme, mirov wêjeyê bi zimanê wê yê orjînal bixwîne xweş e, ev yek dilxweşiyekê dide dilê min.

Ji ber vê yekê min xwest têza xwe ya doktora li ser wêja çand û rewşa Kurdê Bakûrê Kurdistanê bikim.

Ji ber vê yekê di serî de min xwest

zimanê Kurdî fêr bibim. Beriya ku ez fêrî zimanê Kurdî bibim bi alîkariya wergerê, min çanda Kurdî dixwend. Lê niha ez fêrî Kurdî bûme, mirov wêjeyê bi zimanê wê yê orjînal bixwîne xweş

e, ev yek dilxweşiyekê dide dilê min. Ez dixwazim ev berhemên Kurdî ji bo zimanên din jî werin wergerandin. Bi taybet ji bo zimanê min yê zikmakî zimanê Polonî”.




AGIRÎ

Navnîşana derveyî welat: AFKB.P. 102- 75623 ParisCEDEX 13 -FRANCE

E - Mail: Agiri2003@gmail.com

Tel: (+)9647503640792



*Ev stêrkên ku hez
dikirin hevjinê wan ji
wan biçûktir be*



Malpera Xendan navê wan stêrkê di warên sînema, stran û mûzîkê de belav kirine ku di jiyane de hez kirine ku hevjinê wan ji wan biçûktir be.

Navên wan stêrkan bi vî awayî ye:

- 1 . Can Kilid û Cênîfêr wîd, cudahiya temenê wan 31 sal
- 2 . Rodnî Dencêr Fild û Con Çayild, cudahiya temenê wan 31 sal
- 3 . Dênîs Hopêr û Kasrîna Lanasa, cudahiya temenê wan 31 sal
- 4 . Dênîd Hopêr û Viktorya Dofi, cudahiya temenê wan 35 sal
- 5 . Hodî Alîn û Son Yî Pêr Vên, cudahiya temenê wan 35 sal
- 6 . Dîs O Kornêr û Cûdî Birok Wîl-



- sin, cudahiya temenê wan 35 sal
- 7 . Hok Hafner û Kîmbêrlî Konrad, cudahiya temenê wan 37 sal



- 8 . Patrîk Sîtward û Sanî Ozêll, cudahiya temenê wan 37 sal
- 9 . Patrîk Sîtward û Wîlîza Dillon,

- cudahiya temenê wan 39 sal
- 10 . Ronî Hûd û Îkterîna Vînova, cudahiya temenê wan 41 sal
 - 11 . Frîd Îsteyr û Royin Sims, cudahiya temenê wan 45 sal
 - 12 . Dik Van Dak û Êrlî Sîlver, cudahiya temenê wan 46 sal
 - 13 . Tonî Randal û Heysar Harlin, cudahiya temenê wan 51 sal
 - 14 . Hog Hafner û Holî Madîsin, cudahiya temenê wan 54 sal
 - 15 . Hog Hafnêr û Kirîstal Harîs, cudahiya temenê wan 60 sal
 - 16 . Hawird Marşal û Ananîkol Sêms, cudahiya temenê wan 63 sal.

*Temenê wî sê sal
e, lê fotogirafere-
ek pirofîşnal e*

Zarokek sê salî ê xelkê welatê Nîcêriyê bi navê “Fûcî”, bi zarokatiya xwe hewil dide ku bibe fotogirafere pirofîşnal.

“Fûcî” rengê zarokên hevtemenê xwe nade û berevajî wan ku bi pêlîstokan dilîzin, bi kamêrayê dilîze û bi wêneyên wî cihan heyirî maye.

Fûcî li bajarê Lagosê dijî û hertim mijûlî girtina wêneyên malbat û dûmenên bajarê xwe ye û dixwaze ku di çend rojên dahatî de pêşangehekê bo wêneyên xwe ava bike.

